



МОНГОЛ УЛСЫН ИХ СУРГУУЛИЙН
ЗАХИРЛЫН ТУШААЛ

2018 оны 04 сарын 12 өдөр

Дугаар А/411

Улаанбаатар хот

Журам батлах тухай


Монгол Улсын Боловсролын тухай хуулийн 10.2, Дээд боловсролын тухай хуулийн 12.1.4, МУИС-ийн Дүрмийн 4.5.8.3 дахь заалт, МУИС-ийн захиргааны зөвлөлийн 2018 оны 04 дүгээр сарын 10-ны өдрийн хурлын тэмдэглэлийг тус тус үндэслэн ТУШААХ нь:

1.2017-2018 оны хичээлийн жилийн “Бакалаврын түвшний оюутны мэргэжлийн хөтөлбөр сонгох журам”-ыг хавсралтаар баталж, 2018 оны 04 дүгээр сарын 16-ны өдрөөс эхлэн дагаж мөрдсүгэй.

2.Журмын хэрэгжилтийг зохион байгуулах, үр дүнд хяналт тавьж ажиллахыг Сургалтын нэгдсэн газар (Л.Одонтуяа), Мэдээллийн технологийн газар (А.Баатарбилэг), Бизнесийн сургуулийн захирлын үүрэг гүйцэтгэгч (Ч.Энхбаяр), Олон улсын харилцаа, нийтийн удирдлагын сургуулийн захирал (С.Баттулга), Хууль зүйн сургуулийн захирал (Ж.Эрдэнэбулган), Хэрэглээний шинжлэх ухаан, инженерчлэлийн сургуулийн захирал (Н.Баатарбилэг), Шинжлэх ухааны сургуулийн захирал (Б.Баяртогтох), Завхан сургуулийн захирал (П.Оюунбилэг), Эрдэнэт сургуулийн захирал (Т.Энх-Амгалан) нарт үүрэг болгосугай.

3.Журам батлагдсантай холбогдуулан захирлын 2016 оны А/341 дүгээр тушаалаар батлагдсан “2016-2017 оны хичээлийн жилд элссэн бакалаврын түвшний оюутны мэргэжлийн хөтөлбөр сонгох журам”-ыг 2018 оны 04 дүгээр сарын 16-ны өдрөөс эхлэн хүчингүй болсонд тооцсугай.


ЗАХИРЛЫН ҮҮРЭГ
ГҮЙЦЭТГЭГЧ



Я.ТӨМӨРБААТАР

My document.Tushaal.2018

20180896



Захирлын 2018 оны дугаар сарын-ны
өдрийн дугаар тушаалын хавсралт

БАКАЛАВРЫН ТҮВШНИЙ ОЮУТНЫ МЭРГЭЖЛИЙН ХӨТӨЛБӨР СОНГОХ ЖУРАМ

НЭГ. ЕРӨНХИЙ ЗҮЙЛ

1.1. Энэхүү журмын зорилго нь Монгол Улсын Их Сургууль (МУИС)-д элсэн суралцаж, ерөнхий суурь хичээл судалсан оюутнуудад бакалаврын зэрэг олгох мэргэжлийн хөтөлбөр сонгуулах үйл ажиллагааг зохион байгуулахтай холбоотой аливаа асуудлыг зохицуулахад оршино.

1.2. МУИС-ийн бүрэлдэхүүн/салбар сургуульд элсэж, ерөнхий суурийн 24-өөс доошгүй багц цагийн хичээл судалсан оюутан цаашид суралцах мэргэжлийн хөтөлбөрөө хаврын улирлын эцэст сонгоно. СР үнэлгээтэй хичээлүүдийн багцыг судалсан багцад оруулан тооцно. Сургалтын мэдээллийн системд оюутны баталгаажуулан судалсан, F*, NA, NR үсгэн тэмдэглэгээнээс бусад үнэлгээтэй хичээлийн багц цагийг судалсан багц цагт тооцно. Бизнесийн сургуулийн оюутны судалсан багц цагт мэргэжлийн суурь хичээлийг тооцож болно.

1.3. Хууль зүйн сургууль нэг хөтөлбөртэй тул энэхүү журмын 1.2-р заалтыг хангасан ерөнхий суурь хөтөлбөрийн оюутныг “Эрх зүй”-н хөтөлбөрт системээс шууд шилжүүлнэ.

1.4. Мэргэжлийн хөтөлбөр сонголтын шаардлага хангаагүй оюутнууд ерөнхий суурийн хөтөлбөрөөр үргэлжлүүлэн суралцаж хөтөлбөр сонгох шаардлагыг хангасан улирлын төгсгөлд онооны нэгдсэн жагсаалтад орж хөтөлбөрийн сонголт хийнэ.

1.5. Элсэлтийн Ерөнхий Шалгалт (ЭЕШ) өгч МУИС-д хувийн зардлаар элсэн суралцаж буй гадаад оюутнууд мэргэжлийн хөтөлбөр сонголтыг энэхүү журмын дагуу, сургууль хоорондын гэрээ болон Засгийн газар хоорондын гэрээгээр суралцдаг оюутны хувьд холбогдох эрх зүйн актыг үндэслэн батлагдсан хяналтын тооноос тусад нь хөтөлбөр сонголтыг Сургалтын Нэгдсэн Газар (СНГ)-ын Хөтөлбөр Чанарын Баталгаажуулалтын Алба (ХЧБА)-аас гүйцэтгэнэ.

1.6. 2017 оноос өмнө элссэн оюутнууд тухайн элссэн бүрэлдэхүүн/салбар¹ сургуулийн мэргэжлийн хөтөлбөрөөс энэхүү журмын дагуу онооны жагсаалтад орж мэргэжлийн хөтөлбөрөө сонгоно. Шинжлэх Ухааны Сургуульд суралцаж байгаа ерөнхий суурийн хөтөлбөрийн оюутнуудын хувьд Байгалийн Ухаан, Нийгмийн Ухаан, Хүмүүнлэгийн Ухааны салбарын мэргэжлийн хөтөлбөрүүдээс сонгоно. Бусад сургуулиас МУИС-ийн ерөнхий суурь хөтөлбөрт шилжиж ирсэн оюутнууд журмын

¹ МУИС-ийн салбар сургуульд Эрдэнэт, Завхан Сургуулиудыг ойлгоно.

1.2-р заалтыг хангасан тохиолдолд мэргэжлийн хөтөлбөрөө сонгоно.

1.7. Бүрэлдэхүүн/салбар сургуулийн захиргааны зөвлөлийн хурлаар хэлэлцсэн мэргэжлийн хөтөлбөр бүрээр суралцах оюутны хяналтын тооны саналыг МУИС-ийн захиргааны зөвлөлөөр хэлэлцүүлж, захирлын тушаалаар баталгаажуулна.

1.8. Оюутны цаашид үргэлжлүүлэн суралцах мэргэжлийн хөтөлбөрийн жагсаалт, батлагдсан хяналтын тоог 4 дүгээр сард багтаан МУИС-ийн цахим хуудсаар нийтэд мэдээлнэ.

1.9. Мэргэжлийн хөтөлбөр сонголтыг 6 дугаар сарын 3 дахь долоо хоногийн Даваа гарагаас эхлэн ажлын 5 хоногт багтаан энэ журмын 3-р бүлэгт заасны дагуу явуулна.

1.10. Мэргэжлийн хөтөлбөр сонголтын дүнг бүрэлдэхүүн/салбар сургуулийн захиргааны зөвлөлийн хурлаар хэлэлцэж, цаашид хэрэгжүүлэх хөтөлбөрүүд, суралцах оюутан, хөтөлбөр сонголтын явцын тухай санал, дүгнэлт гаргана.

1.11. Бүрэлдэхүүн/салбар сургуулийн захиргааны зөвлөлийн хурлын шийдвэрт үндэслэн ХЧБА мэргэжлийн хөтөлбөр сонгосон оюутны нэр, бүртгэлийн дугаар, регистрийн дугаар, жагсаалтын оноо зэрэг мэдээллийг хөтөлбөр тус бүрээр гаргаж, МУИС-ийн Захирлын тушаалаар баталгаажуулна. Хөтөлбөр сонголтыг баталгаажуулах тушаалыг оюутны хичээл сонголтоос өмнө гаргана.

1.12. Оюутан ерөнхий суурь хөтөлбөрт хичээлийн 2 жил хүртэлх хугацаанд суралцаж болно. Энэ хугацаанд мэргэжлийн хөтөлбөр сонголтыг заавал хийнэ. Хөтөлбөрт санал өгөх хугацаа (журмын 1.9-р заалт) эхлэхээс өмнө хөтөлбөр сонголтоо хойшлуулах хүсэлтээ (маягт 1) ХЧБА-д бичгээр гарган шийдүүлнэ. Санал өгөх хугацаа эхэлснээс хойш хүсэлтийг хүлээн авахгүй. Хөтөлбөр сонголтоо хойшлуулсан оюутан дараагийн улиралд Ерөнхий суурь хичээлийн болон чөлөөт сонголтын багц цагийг цуглуулж болно.

1.13. Оюутан хөтөлбөр сонголтоо хойшлуулсан, сонголтоос хоцорсон тохиолдолд шалтгаанаас үл хамааран дараагийн намрын улирлын төгсгөлд хяналтын тоо нь гүйцээгүй хөтөлбөрөөс сонгож болно.

1.14. Мэргэжлийн хөтөлбөр сонголт хойшлуулсан шийдвэрийн дагуу оюутныг онооны нэгдсэн жагсаалтаас хасах тэмдэглэлийг бүртгэл хариуцсан мэргэжилтэн сургалтын мэдээллийн системд мэргэжлийн хөтөлбөрт санал өгөх хугацаа эхлэхээс өмнө хийнэ.

1.15. Шинжлэх Ухааны сургуулийн Байгалийн Ухааны салбарын математик, физик, хими, биологийн хөтөлбөр сонгосон оюутнуудын нийт суралцах хугацааны төлбөрийг голч дүнгээс нь хамааран 50 хүртэлх хувиар хөнгөлөхийг МУИС-ийн тэтгэлэгийн журмаар зохицуулна.

ХОЁР. МЭРГЭЖИЛ СОНГУУЛАХ КОМИСС

2.1. МУИС-ийн Захирлын тушаалаар байгуулагдсан мэргэжлийн хөтөлбөр сонгуулах комисс нь мэргэжлийн хөтөлбөр сонгуулах ажлыг зохион байгуулна.

2.2. Комисс нь МУИС-ийн сургалт, оюутан хариуцсан дэд захирал, СНГ-ын дарга, Мэдээллийн технологийн газрын дарга болон ХЧБА-ны дарга, хөтөлбөр

хариуцсан мэргэжилтэн нараас бүрдэнэ. Комиссын дарга нь МУИС-ийн сургалт, оюутан хариуцсан дэд захирал, нарийн бичгийн дарга нь СНГ-ын дарга байна.

2.3. Комисс мэргэжил сонгох үйл ажиллагааг зохион байгуулж, холбогдох санал хүсэлтийг шийдвэрлэж, энэ журмын хэрэгжилтэд хяналт тавина. Түүнчлэн мэргэжлийн хөтөлбөр сонголтын үед гарсан энэ журмаар шийдвэрлэх боломжгүй асуудлыг хэлэлцэн шийдвэрлэнэ.

2.4. Суралцагчийн эцэг, эхийн төлөөлөл комиссын албан ёсны зөвшөөрөлтэйгөөр хөндлөнгийн ажиглагчаар оролцож болно. Хөндлөнгийн ажиглагчаар оролцох хүсэлтээ мэргэжлийн хөтөлбөрийн сонголт эхлэхээс долоо хоногийн өмнө комисст бичгээр ирүүлсэн байна.

ГУРАВ. МЭРГЭЖЛИЙН ХӨТӨЛБӨР СОНГУУЛАХ ҮЙЛ АЖИЛЛАГАА

3.1. Мэргэжлийн хөтөлбөр сонгуулах үйл ажиллагаа нь нэгдүгээрт хөтөлбөр бүрээр суралцах оюутны хяналтын тоог тогтоох, хоёрдугаарт тогтоосон хяналтын тоонд багтаан мэргэжил сонгуулах гэсэн хоёр үе шаттай байна. Хяналтын тоог тогтоохдоо Хавсралт 1-д заасан аргачлалыг баримтална.

3.1.1. Хөтөлбөр бүрээр суралцуулах оюутны хяналтын тоог дараах дарааллаар тогтооно:

а. Оюутан нэг хичээлийн жилд мэргэжил сонгох тандалтын судалгаанд хоёроос доошгүй удаа оролцож, цаашид суралцахаар төлөвлөж буй гурван (ОУХНУС-ийн хувьд хоёр) мэргэжлийн хөтөлбөрийн саналыг сургалтын мэдээллийн системээр өгнө.

б. ХЧБА мэргэжлийн хөтөлбөр сонгох тандалтын үр дүнг тандалт явагдаж дууссанаас хойш 5 өдрийн дотор нэгтгэн МУИС-ийн захиргаа болон бүрэлдэхүүн/салбар сургуулиудад мэдээлнэ.

в. Тэнхим нь мэргэжлийн хөтөлбөрт суралцах оюутны хяналтын тоо тогтоох аргачлал (Хавсралт 1)-ын дагуу, хөтөлбөр сонгох шаардлага хангасан оюутны тоонд үндэслэн тухайн мэргэжлийн хөтөлбөрөөр суралцуулах оюутны хяналтын тооны саналаа бүрэлдэхүүн/салбар сургуулийн захиргаанд хүргүүлнэ.

г. Бүрэлдэхүүн/салбар сургуулийн захиргаа тэнхимийн саналыг хянаж, бүрэлдэхүүн/салбар сургуулийн мэргэжлийн хөтөлбөрүүдийн хяналтын тооны талаарх саналыг, хяналтын тоо тодорхойлсон аргачлалын хамт 05 дугаар сарын 01-ний дотор МУИС-ийн Сургалтын нэгдсэн газарт хүргүүлнэ.

3.2. Мэргэжил сонгуулах үйл ажиллагааг дараах дарааллаар зохион байгуулна:

а. Бүрэлдэхүүн/салбар сургуулийн тэнхим, ХЧБА-аас оюутанд мэргэжил сонгохтой холбоотой мэдээллээр хангах, зөвлөгөө өгөх ажлыг зохион байгуулна.

б. Мэдээллийн технологийн газар сургалтын мэдээллийн системээр оюутны сурлагын голч дүн, цуглуулсан багц цаг, МУИС-д элсэхэд тооцуулсан ЭЭШ-ын оноог 68:27:5 харьцаагаар тооцож, онооны жагсаалтыг дараах томъёогоор гаргана.

$$\text{Оюутны оноо} = \frac{\text{Голч дүн}}{4.0} \times 68 + \frac{\text{Цуглуулсан багц цаг}}{\text{Суралцсан улирал} \times 21} \times 27 + \frac{\text{ЭЕШ оноо}}{800} \times 5$$

Сурлагын голч дүн бодоход сургалтын журамд заасан CR-аас бусад нэмэлт үсгэн тэмдэглэгээг тооцохгүй. Оюутны амжилттай дүгнэгдсэн хичээлүүдийн багц цагийг цуглуулсан багц цагт тооцно.

в. Мэргэжлийн хөтөлбөр сонголт нь оюутан мэргэжлийн хөтөлбөрт саналаа өгөх, өгсөн саналаа баталгаажуулах гэсэн 2 үе шаттайгаар 6 дугаар сарын 3 дахь долоо хоногийн Даваа гарагаас Баасан гарагийн хооронд явагдана.

г. Даваа гарагийн 9.00 цагт оюутны онооны жагсаалт сургалтын мэдээллийн системд гарна. Оюутан онооны жагсаалт гарсан цагаас Мягмар гарагийн 17.00 цаг хүртэл цаашид суралцах мэргэжлийн хөтөлбөрүүдэд сургалтын мэдээллийн системээр саналаа өгнө.

д. Бүрэлдэхүүн/салбар сургуулиас хамааран мэргэжлийн хөтөлбөрт оюутны өгөх саналын тоо ялгаатай байна. ШУС, ХШУИС, БС, ЭС, ЗС-ийн оюутнууд 4, ОУХНУС 1 мэргэжлийн хөтөлбөрт санал өгөх боломжтой.

е. Мягмар гарагийн 18.00 цаг гэхэд мэргэжлийн хөтөлбөр бүрээр санал өгсөн оюутнуудын онооны жагсаалт гарна.

ё. Лхагва гарагийн 9.00 цагаас 20.00 цаг хүртэл тухайн хөтөлбөрийн хяналтын тоонд багтсан оюутан сургалтын мэдээллийн системд өөрийн эрхээр орж зөвхөн нэг мэргэжлийн хөтөлбөрөөр саналаа баталгаажуулна.

ж. Оюутан суралцах мэргэжлийн хөтөлбөрөө сонгон баталгаажуулахад бусад хөтөлбөрт түүний өгсөн санал хүчингүй болно. Энэ хугацаанд жагсаалтын дагуу хяналтын тоонд нэмж багтсан оюутнууд сонголтоо баталгаажуулах боломжтой.

з. Пүрэв гарагийн 9.00 цагаас 20.00 цаг хүртэл хяналтын тоонд нэмж багтсан оюутнуудын мэргэжил сонголтын баталгаажуулалт үргэлжлэн явагдана.

и. Сургалтын мэдээллийн системээр Пүрэв гарагийн 20.00 цаг хүртэл мэргэжлийн хөтөлбөрөө сонгож чадаагүй оюутан үлдсэн тохиолдолд Баасан гарагт онооны жагсаалтын дагуу үлдсэн мэргэжлийн хөтөлбөрөөс сонгуулах үйл ажиллагааг ХЧБА зохион байгуулна. Энэ үед оюутан ХЧБА-аас зарласан өдөр, цагт (оюутны үнэмлэхний хамт) өөрийн биеэр хүрэлцэн ирэх шаардлагатай.

й. Тодорхой хүндэтгэн үзэх шалтгаанаар мэргэжлийн хөтөлбөр сонгох боломжгүй болсон тохиолдолд итгэмжлэгдсэн төлөөлөгчөөр дамжуулан сонгуулах боломжтой бөгөөд энэ талаар урьдчилан ХЧБА мэдэгдэнэ (Маягт 2).

к. МУИС-ийн Захирлын тушаалаар хөтөлбөр сонголтыг баталгаажуулснаар оюутан цаашид суралцах хөтөлбөрийн хичээлүүдийг сургалтын мэдээллийн системээр сонгож судлах эрхтэй болно.

Мэргэжлийн хөтөлбөрт суралцах оюутны хяналтын тоог тогтоох аргачлал

1. Тэнхимийн хөтөлбөрийн дэд хороо (тэнхимийн бүтэцгүй бол бүрэлдэхүүн/салбар сургуулийн хөтөлбөрийн дэд хороо) бакалаврын мэргэжлийн хөтөлбөрт суралцах оюутны хяналтын тоог тогтоохдоо энэ аргачлалыг баримтална.

2. Хяналтын тоог (тухайн хөтөлбөрт суралцах оюутны тоо) тэнхимийн багш нарын А цагийн ноогдол, анги танхим, лабораторийн багтаамж хүрэлцээ, оюутны тандалт судалгааны дүн дээр үндэслэн тогтооно.

2.1. Тэнхимийн багш нарын А цагийн ноогдолд үндэслэн санал болгож буй оюутны хяналтын тоог бүлгээр илэрхийлэн гаргах бөгөөд тухайн хөтөлбөрөөр суралцах нэг бүлгийн оюутны тоо 25-аас доошгүй байна.

2.2. Тухайн хөтөлбөрийг хэрэгжүүлэхэд шаардлагатай тусгай тоноглогдсон лаборатори, өрөөний ачаалалд үндэслэн тэнхимийн лабораторийн хүчин чадлыг бүлгээр илэрхийлэн тогтооно. Лекц, семинарын анги танхимын ачааллыг МУИС-ийн хэмжээнд нэгдсэн журмаар тооцно.

2.3. Оюутны тандалтын нийт дүнг тухайн хөтөлбөрийн нэгдүгээр саналын нийт тоон дээр хоёрдугаар саналын тооны хагасыг нэмж бүлэгт байх оюутны тоонд хуваасны бүхэл утгаар тодорхойлно.

3. Хөтөлбөрийн хяналтын тоо нь бүлгийн тооны санал (аргачлалын 2.1 ба 4-р зүйл), лабораторийн хүчин чадал (аргачлалын 2.2 ба 5-р зүйл), оюутны тандалтын дүнд (аргачлалын 2.3 ба 6-р зүйл) үндэслэн тооцоолсон дүнгүүдийн хамгийн бага утга байна.

4. Бүлгийн тооны саналыг тогтоох дараалал

4.1. Тэнхимийн хөтөлбөрийн дэд хороо багш нарын А цагийн багтаамж (ТЦБ), нийт хөтөлбөрийг хэрэгжүүлэхэд үүсэх А цагийн ачаалал (ТЦА) зэргийг нягтлан оюутны хяналтын тоог хөтөлбөр бүрээр бүлгээр илэрхийлнэ.

4.2. Тэнхимийн цагийн багтаамжийг тэнхимд харьяалалтай багш нарын (01 тушаалын) А цагийн ноогдлын нийлбэрээр тооцно.

4.3. Тэнхимийн багш нарын А цагийн ачааллыг, хариуцаж буй ерөнхий суурийн хичээлийн тоо, хөтөлбөрийн тоо, мэргэжлийн хичээлийн тоонд үндэслэн дараах томъёогоор тооцно. Хэмжих нэгж нь багц цаг байна.

$$ТЦА = МХХ + ЕС + МД$$

Үүнд:

МХХ – Мэргэжлийн хичээлийн цагийн ачаалал

Тэнхимийн нийт ачаалал нь хариуцан хэрэгжүүлж буй бүх хөтөлбөрийн дараагийн хичээлийн жилд 3 ба 4 дүгээр түвшний оюутнуудад заах хичээлийн нийт багц цагийн хэмжээ байна.

ЕС – Ерөнхий суурийн болон бусад хөтөлбөрийн хичээлийн цагийн ачаалал

Өмнө хэрэгжиж буй хөтөлбөрийн сонгон суралцах хичээл, бусад тэнхим/сургуульд заах хичээлийг оруулна. Энд лекц, семинар, лабораторийн бүлгээр хичээллэх цагийг нарийвчлан тооцно.

МД – Магистр, докторын сургалтаас үүсэх ачаалал

Магистр, докторын сургалтаас үүсэх ачааллыг профессор, дэд профессорын зэрэглэлд ажиллаж байгаа багш нар “МУИС-ийн Багшийн орон тоо, ажлын үнэлгээний журам”-ын 3-р бүлгийн 13 заалтыг үндэслэн 3-аас доошгүй багц цагийн хичээл заана

*МД=профессор, дэд профессорын зэрэглэлийн багшийн тоо *3Бц томъёогоор тогтооно.*

4.4. Хөтөлбөр сонголтоор үүсэх бүлэгт харгалзах А цагийн ачаалал (МХШ) нь дараагийн хичээлийн жилд тухайн хөтөлбөрийн 2 дугаар түвшний оюутнуудад заах хичээлийн багц цагийн хэмжээ юм.

4.5. Бүлгийн тоог тодорхойлох: Дараагийн хичээлийн жилд хөтөлбөрүүдээр сургах боломжтой бүлгийн тоог тэнхимийн цагийн багтаамж болон тэнхимийн цагийн ачааллын ялгаврыг хөтөлбөр сонголтоос үүсэх бүлэгт харгалзах А цагийн ачаалалд харьцуулж олно:

$$\text{Бүлгийн тоо} = \frac{\text{ТЦБ} - \text{ТЦА}}{\text{МХШ}}$$

4.6. Хөтөлбөр бүрээр хичээллэх бүлгийн тооны саналыг тогтоох: Тэнхим бүлгийн тоонд багтаан хөтөлбөр тус бүрээр хэдэн бүлэг хариуцах саналаа гаргана.

4.7. Тэнхимийн хяналтын бүлгийн тоог тооцсон жишээ

ШУС-ийн А тэнхим 2 профессор, 4 дэд профессор, 5 ахлах багш, 6 багштай, 2 хөтөлбөр хариуцдаг бөгөөд шинээр 4 хөтөлбөр санал болгож байгаа гэж саная. А тэнхимийн цагийн багтаамж болон ачааллын талаарх мэдээлэл болон хэдэн бүлэг оюутанд үйлчлэх боломжтойг тооцоолсныг хүснэгтэд үзүүлэв.

Үзүүлэлт	Тооцоолсон үр дүн	Тайлбар
ТЦБ	247	$12 \times 2 + 13 \times 4 + 15 \times 5 + 16 \times 6 = 247$
МХХ	60	3 ба 4-р курст ихэвчлэн мэргэшүүлэх хичээл орно. Оюутан нэг улиралд дунджаар 15 Бц судална гэж үзээд нэг хичээлийн жилд 30 Бц учир 2×30
ЕС	21	Нийт 7 лекцийн бүлэгт хичээл ордог гэе.
МД	18	$(2+4) \times 3$
ТЦА	99	$99 = 60 + 21 + 18$
МХШ	24	Жишээ нь: Эхний улиралд 9 Бц, дараагийн улиралд 15 Бц
Бүлгийн тоо	6	$(247 - 99) / 24 = 6$. Ө.х. 6 бүлэг оюутанд үйлчлэх боломжтой.
Хөтөлбөр бүрийн саналыг тэнхим 6 бүлэгт багтаан тогтооно.		1-р хөтөлбөр- 2 бүлэг 2-р хөтөлбөр- 3 бүлэг 3-р хөтөлбөр- 1 бүлэг... гэх мэт

5. Анги танхим, лабораторийн хүчин чадлыг дараах аргачлалаар тооцно. Лекц, семинарын анги танхимын ачааллыг МУИС-ийн хэмжээнд нэгдсэн журмаар тооцно. Лаборатори болон зөвхөн мэргэжлийн хичээлд зориулан тоноглогдсон, олон мэргэжлийн хичээл ордог эсвэл олон хөтөлбөрт үйлчилдэг өрөөний ачаалалд үндэслэн тэнхимийн лабораторийн хүчин чадлыг тогтооно.

5.1. Нэг улиралд нэг лабораторийн хүчин чадлыг 8-10 бүлэг гэж үзнэ.

5.2. Тухайн хичээлийн жилд 3, 4-р ангид орох нийт бүлгийн тоог өрөө тус бүрээр тооцоолно.


5.3. Тухайн өрөөний хувьд 20-оос 5.2-т тооцоолсон бүлгийн тоог хасахад шинэ хөтөлбөрүүдэд үйлчлэх хүчин чадал гарна.

5.4. Өрөөний хүчин чадалд үндэслэн хөтөлбөр бүрээр санал болгох бүлгийн тоог тогтооно.

6. Оюутны тандалтын дүнд үндэслэн бүлгийн тоог дараах маягаар тогтооно.

6.1. Оюутны сүүлийн тандалтын нийт дүнг гаргахдаа тухайн хөтөлбөрийг нэгдүгээр сонголтоор сонгосон саналын тоон дээр хоёрдугаар сонголтоор сонгосон саналын тооны хагасыг нэмж бүлэгт (25-30) байх оюутны тоонд хуваасны бүхэл утгаар тодорхойлно.


6.2. Оюутны тандалтын дүн 15-аас цөөн байх тохиолдолд хөтөлбөрийн хяналтын тоог 15 гэж тогтооно.



Тэнхимийн дэд хорооны бөглөх маягт №1 (албан хэрэгцээнд)

Хөтөлбөрийн хяналтын тооны санал

(Тэнхим хэрэгжүүлэх хөтөлбөр бүрээр бөглөнө.)




№	Үзүүлэлт	Тайлбар
1	Тэнхимийн нэр	
2	Хариуцах хөтөлбөрийн нэр	
3	Тэнхимийн цагийн багтаамж (ТЦБ)	4.2 заалт
4	Цагийн ачаалал ТЦА (МХХ+ЕС+МД)	4.3 заалт
	МХХ	
	ЕС	
	МД	
5	МХШ	4.4 заалт
6	Тэнхимээс санал болгох бүлгийн тоо	4.5 заалт
7	Лабораторийн хүчин чадал (бүлгээр)	5 заалт
	Өрөө 1	
	Өрөө 2	
8	Оюутны тандалт (оюутны тоо)	6.1 заалт
	Нэгдүгээр саналын тоо	
	Хоёрдугаар саналын тоо	
9	Нэг бүлэгт байх оюутны тоо (25-аас доошгүй)	2.1 заалт
1	Оюутны тандалт (бүлгээр)	6.1 заалт
1	Хяналтын бүлгийн тооны санал	3 заалт

Тэнхимийн эрхлэгч / /

Огноо:

Хүлээн авсан / /

Тэнхимийн дэд хорооны бөглөх маягт №2 (албан хэрэгцээнд)



Тэнхимийн мэргэжлийн хөтөлбөрүүдийн
хяналтын тооны саналын нэгтгэл

№	Үзүүлэлт	
1	Тэнхимийн нэр	
2	Хариуцах хөтөлбөрийн тоо	
3	Тэнхимийн цагийн багтаамж (Бц-аар)	
4	Тэнхимийн цагийн ачаалал ТЦА (МХХ+ЕС+МД)	
	МХХ	
	ЕС	
	МД	
5	МХШ (нийт)	
6	Бүлгийн тоо	
7	Бүлгийн тооны санал	
	Хөтөлбөр 1	
	Хөтөлбөр 2	
8	Хяналтын тооны санал (Оюутны тоогоор)	
	Хөтөлбөр 1	
	Хөтөлбөр 2	

Тэнхимийн эрхлэгч /

Огноо:

Хүлээн авсан /




МОНГОЛ УЛСЫН ИХ СУРГУУЛЬ

.....СУРГУУЛЬ

СУРГАЛТЫН НЭГДСЭН ГАЗАР

210646 Улаанбаатар хот, Сүхбаатар дүүрэг, УХД0072 9104399
Бага тойруу 47. Факс: / Утас: 7730-7730-



МЭРГЭЖЛИЙН ХӨТӨЛБӨР СОНГОЛТ ХОЙШЛУУЛАХ ХҮСЭЛТИЙН МАЯГТ

1	Оюутны овог, нэр	
2	Оюутны дугаар	
3	Регистрийн дугаар	Хүйс
4	Мэргэжил сонголтоо хойшлуулах болсон шалтгаан	
5	Хүсэлт	Миний бие сарын -р сард МУИС-ийн-НЫ сургуульд элссэн бөгөөд энэ удаад өөрийн хүсэлтээр мэргэжил сонголтоо хойшлуулахыг хүсэж байна. Энэ хүсэлтийг гаргаснаар би мэргэжил сонголтоо дараагийн жилийн элсэгчидтэй хамт хийнэ гэдгээ ойлгосон болно.
6	Хүсэлт гаргасан оюутны гарын үсэг	
7	Хүсэлт гаргасан огноо	
8	Хүлээж авсан сургалтын албаны мэргэжилтэн	
9	Хүлээж авсан огноо	

Оюутан та, дараах АНХААРУУЛГЫГ уншиж, танилцана уу.

Оюутан та, мэргэжил сонголтоо хойшлуулах хүсэлт гаргасан тохиолдолд дараагийн хичээлийн жилийн элсэгчидтэй хамт оноогоор жагсан, мэргэжил сонголтод орох болно. Энэ үед таны төгсөх хугацаа хойшилно гэдгийг анхаарна уу. Мөн оюутан та, хүссэн мэргэжлээ сонгож чадаагүй бол, тухайн мэргэжлийг хос, хавсарга мэргэжил байдлаар эзэмших (Сургалтын журмын 3.1) эсвэл хөтөлбөр шилжих (Суралцагч шилжүүлэн суралцуулах журмын 5.1) боломжтой юм.



МОНГОЛ УЛСЫН ИХ СУРГУУЛЬ

.....СУРГУУЛЬ

СУРГАЛТЫН НЭГДСЭН ГАЗАР

210646 Улаанбаатар хот, Сүхбаатар дүүрэг,
Бага тойруу 47. Факс: / Утас: 7730-7730-



МЭРГЭЖЛИЙН ХӨТӨЛБӨР СОНГОЛТЫГ
ИТГЭМЖЛЭГДСЭН ТӨЛӨӨЛӨГЧӨӨР СОНГУУЛАХ
ХҮСЭЛТИЙН МАЯГТ

1	Оюутны овог, нэр	
2	Оюутны дугаар	
3	Регистрийн дугаар	Хүйс
4	Оюутны утасны дугаар	
5	Итгэмжлэгдсэн төлөөлөгчийн овог, нэр	
6	Итгэмжлэгдсэн төлөөлөгчийн регистрийн дугаар	
7	Итгэмжлэгдсэн төлөөлөгчийн утасны дугаар	
	Итгэмжлэгдсэн төлөөлөгчөөр мэргэжлийн хөтөлбөрөө сонгуулах болсон шалтгаан	
8	Хүсэлт	Итгэмжлэгдсэн төлөөлөгч миний бие МУИС-ийн..... сургуулийн оюутан-ны мэргэжлийн хөтөлбөр сонголтыг заасан хугацаанд зөв сонгоно гэдгээ ойлгосон болно.
9	Хүсэлт гаргах хөтөлбөр (ШУС, ХШУИС, БС, ЭС, ЗС-ийн оюутнууд 4 хөтөлбөрт, ОУХНУС-ийн оюутнууд 1 хөтөлбөрт санал өгнө)	Хөтөлбөр 1: Хөтөлбөр 2: Хөтөлбөр 3: Хөтөлбөр 4:
10	Оюутны гарын үсэг	
11	Итгэмжлэгдсэн төлөөлөгчийн гарын үсэг	
12	Хүлээж авсан сургалтын албаны мэргэжилтэн	
13	Огноо	

Оюутны итгэмжлэгдсэн төлөөлөгч та дараах АНХААРУУЛГЫГ уншиж, танилцана уу.

Оюутны итгэмжлэгдсэн төлөөлөгч та, мэргэжил сонголтын хугацаанд оюутныг төлөөлж сонголт хийхдээ буруу сонголт хийсэн тохиолдолд сонголтыг буцаах боломжгүйг анхаарна уу.

Жич: Иргэний үнэмлэхний хуулбарыг хавсаргасан байна.